

Kremsmünsterer - Rud

Rudenkirtag Sierning Faschingdienstag 25.2.2020



<p>Griaß´ eng Gott liabe Leut´ da Rudenkirtåg is´ heut´ an Landler kinn´t´s hearn mir Kreminst´ra tänz´n gern neb´mbei a wen´g dicht´n drum bring´ ma eng G´schicht´n über d´Politik und d´Leut´ des måcht uns a Freu´d</p>	<p>A groß´ Problem des is g´wiß da Max Higersberger is woit´n über eam wås dicht´n håm g´fund´n koane G´schicht´n san g´sess´n a gånze Nåcht håm nixi zåmbråcht mir hoff´m dass as honoriert und uns an Lita spendiert</p>
<p>Seit da Huemer Bert Ökonomieråt is håt er bei de Frau´n an Riß fährt auf´s Volksfest nåch Riad parkt ba ana Firma ungeniert d´Wei´halle muaß nu sei´ stöd se a paar Glasl´n ei´ wü hoamfåhr´n, Schrånga zua find´ ba ana Blond´n sei Nåchtrua</p>	<p>Da Andreas Ehrenhuber schauts´n ån is da neiche Kammerobmån es reißt´n um koa Fråg unterwegs den gånz´n Tåg auf d´Nåcht oiweu fort kennt jed´s Wirtshaus in jed´n Ort dahoam årbeit´n siagst´n nie sågt er håt a Rinderallergie</p>
<p>A åide Baunregö g´wiß de folgende is´ schnaxlt da Bau za Michäli wird da Bua g´wiß a Wäli wer net vastånd´n håt de G´schicht für den håm mas hochdeutsch dicht hat der Landwirt zu St. Michael verkehr tut sich der Bub in der Schule schwer</p>	<p>Beim Schisport is uns load dass da Hirscher nimma fährt de Schifåhrer gengan schon mit 30 Jåhr in Pension ånders eana Präsident da Schröcksnad´l wer´n kennt is so wia månch åida Bauer kånn net übergeb´m der Schauer</p>
<p>Mit´n Hofer reis´n des is net bled foarst mit´n Hofer va Sättledt nur de gånz de schlaun foar´n mit´n Hofer va de blauen auf de Ins´l Ibiza a reiche Russin gibt´s dort a all inclusive håt sowieso såmt Erinnerungsvideo</p>	<p>De neiche Verteidigungsministerin Tanner de kennt va uns nu kana sie braucht koan Flieger und koan Pånzer des g´freit natürlich en Kånzler ban Bundesheer geht´s jetzt rund wei sie kimmt van Bauernbund d´Låndsverteidigung wa do g´låcht wird mit Sen´gst und Mistgåb´l g´måcht</p>
<p>Da Burgamoasta va Ådlwång parkt in Båd Håll a wengal z´lång kriagt an Bußgeldbescheid mit dem håt a recht a Freud´ null Euro soi er blech´n für des furchtbåre Vabrech´n jetzt wiss´ma´s auf jed´n Fåll wårum´s koa Geld håm in Båd Håll</p>	<p>D´Sierninger Polizist´n de Kunt´n håm a batz´l Hånf g´fund´n håmd´n trickat en Keller des wår g´wiß a Fehler se håm se selber g´schreckt en gånz´n Haus håt das g´schmeckt seitdem san´s des is net nei den gånz´n Tåg a wengal hei</p>

<p>Da Tãnzherr Wolfgang Mayr auf jed'n Fãll is auf da Raika in Bãd Hãll ba da Wei'kost hãt's eam g'schmeckt de Liebe zum Wei' entdeckt hãt dãn g'hãt ord'ntli z'fü sicha 2 a 3 Promü des is mehr dã muaß't net liag'n ois ma ba eam Zins'n krieg'n</p>	<p>Ba da neich'n Regierung is da Fãll san d'Frauen in da Überzãhl des is a Zeich'n gãnz klãr mit'n Rud'nkirtãg wird's gãr ba da Lindlbauern Rud hãm's es scho geb'm d'Weiber en Tonãn in etla Jãhr'n werd'n d'Mãnna schweig'n und brav um d'Weiber umisteig'n</p>
<p>Des maisei'mãhl'n recht fesck geht a wãnn a Loata im Silo steht passiert is des wirkli wãhr ban Burgamoasta in Rohr hãt d'Loata s'gãnze Jãhr g'suacht weg'n dem Drum oftmãchti' g'fluacht d'Frãs'n hãt's dãn net grãd leise g'fund'n zentimeterweise</p>	<p>D'Kreminst'ra hãm g'sunga ma hofft es hãt klunga austrickat van singa brauch' ma jetzt wãs zan tringa drum soit's eng hãlt'n an den Brauch den ålt'n wer ång'sunga word'n is an Lita zãhl't g'wiß</p>